



দাদুর দস্তানা

বৈদেশিক ভাষার সাহিত্য প্রকাশালয়
গ্রন্থকো ১১৫৫

উজাইনী উপকথা

দাদুর দপ্তানা



হবি একেছেন-ই যাকেভ

বৈদেশিক ভাষার সাহিত্য প্রকাশালয়
মস্কো ১৯৫৫

रुशीय ङाषा थेके अनुबाद
शक्य राय



নের মধ্যে দিয়ে চলছিলেন দাদু আর তার পেছনে
পেছনে দৌড়চ্ছিল তাঁর কুকুর। চলতে চলতে চলতে
তাঁর হাত থেকে একটা দস্তানা পড়ে গেল।



অমনি দৌড়ে এলো এক নেংটে ইঁদুর, দস্তানার মধ্যে ঢুকে
পড়ে বললো -

“এখানেই বাসা বাঁধবা।”



এমন সময় থপাং থপাং করতে করতে এক ব্যাঙ এসে
হাজির। শুধোলো -

“ঘ্যাঙর ঘ্যাং, এই দস্তানায় বাস করে কে?”

“আমি কুটুর কুটুর নেংটে ইঁদুর। আর তুই কে বটে?”

“আমি হলাম লক্ষ মহারাজ ব্যাঙ। আমাকে থাকতে দিবি?”

“আয় চলে।”



হলো দুটি। এমন সময় দৌড়তে দৌড়তে দস্তানার কাছে হাজির এক
খরগোশ। শুধোলো -

“এই দস্তানায় বাস করে কে?”



“কুটুর কুটুর নেংটে ইঁদুর আর লক্ষ মহারাজ ব্যাঙ। তুই কে বটে?”
“আমি হলাম দৌড়বাজ খরগোশ। আমাকে থাকতে দিবি?”
“আয় চলে।”



হলো তিনটি। দৌড়ে এলো খৈকশেয়াল।
“হুকা ছুয়া, এই দস্তানায় বাস করে কে?”



“কুটুর কুটুর নেংটে ইঁদুর, লক্ষ মহারাজ ব্যাঙ আর দৌড়বাজ
থরগোশ। তুই কে বটে?”

“আমি হলাম শেয়াল পণ্ডিত। আমাকে থাকতে দিবি?”



বাস্, চার জনে দস্তানার ভেতরে আস্তানা গাড়লো। একটু পরে গুটি
গুটি এসে হাজির নেকড়ে বাঘ। দস্তানার কাছে এসে হাঁকি পাড়লো -
“এই দস্তানায় থাকে কে রে?”



“কুটুর কুটুর নেংটে ইঁদুর, লক্ষ মহারাজ ব্যাঙ, দৌড়বাজ খরগোশ
আর শেয়াল পণ্ডিত। তুই কে বটে?”

“আমি হলাম চোখা - নাক নেকড়ে বাঘ। আমাকে থাকতে দিবি?”

“কি আর করা, আয় চলে।”



টুকলো নেকড়ে, হলো পাঁচটি।

কোথা থেকে যেন হেলতে দুলতে এক বুনো শুয়োর এসে হাজির।

“ঘোঁৎ ঘোঁৎ ঘোঁৎ, এই দস্তানায় বাস করে কে হ্যা?”

“কুটুর কুটুর নেংটে ইঁদুর, লক্ষ মহারাজ ব্যাঙ, দৌড়বাজ খরগোশ,
শেয়াল পণ্ডিত আর চোখা-নাক নেকড়ে বাঘ। তুই কে বটে?”



“আমি হলাম ঘোঁৎ - ঘোঁতানি শুয়োর। আমাকে থাকতে দিবি?”

বোঝা চ্যানা, সকলেই দস্তানায় ঠাঁই চায়!

“কিন্তু তোর নখর শরীরটা যে আঁটবে না রে?”

“তা কোনো রকমে আঁটিয়ে নেব। দে থাকতে।”

“তা কি আর করা আয় চলে।”



টুকলো শুয়োর, হলো ছাটি। এত ঠাসাঠাসি যে পাশ ফেরা দায়। এমন সময় পায়ের তলায় ডালপালা মড়মড় করে দেখা দিল এক ভালুক। এও যে দস্তানার দিকে আসে! হেঁড়ে গলায় ভালুক হেঁকে ওঠে -

“কে বাবা এই দস্তানায় বাস করে?”

“কুটুর কুটুর নেংটে ইঁদুর, লক্ষ মহারাজ ব্যাঙ, দৌড়বাজ খরগোশ, শেয়াল পণ্ডিত, চোখা-নাক নেকড়ে বাঘ আর ঘোঁং-ঘোঁতানি শুয়োর। তুই কে বটে?”



“হুম্ হুম্ হুম্ তোদের এখানে তো বেশ ভিড় দেখছি। আমি হলাম
কম্পজুর ভালুক। আমাকে থাকতে দিবি?”

“তোকে ঢোকাই কি ক’রে বল? এমনিতেই তো ঠাসাঠাসি।”

“ইচ্ছে থাকলেই উপায় হয়!”

“তা কি আর করা, আয় চলে। শুধু এক পাশে থাকিস্ বাপু।”

চুকলো ভালুক হলো সাতটি। এত ঠাসাঠাসি যে দস্তানা ফাটোফাটো।

ইতিমধ্যে দাদুর টনক নড়ে -ঐ যাঃ, দস্তানা তো নেই। খোঁজ খোঁজ
খোঁজ, দস্তানা খুঁজতে খুঁজতে দাদু ফিরে চললেন, আর কুকুরটা তাঁর সামনে
সামনে চুটতে লাগলো। দৌড়তে দৌড়তে দৌড়তে দেখতে পেল - দস্তানা পড়ে
আছে আর নড়ছে। এই না দেখে কুকুর হাঁক চাড়লো -

“ঘেউ ঘেউ ঘেউ!”

দস্তানার মধ্যে এরা তো ভয়ে কাঁচ। দস্তানা থেকে লাফিয়ে বেরিয়ে,
যে যে - দিকে পারলো, বনের মধ্যে মারলো চুট। দাদু এগিয়ে এসে দস্তানা
তুলে নিয়ে আবার চলতে শুরু করলেন। আমার কথাটি ফুরোলো।





РУКАВИЧКА

На языке бенгали

Перевод дан по книге
Государственного издательства
Детской литературы Министерства просвещения РСФСР
Москва 1963 Ленинград

Художественный редактор В. Ходоровский
Технический редактор В. Сказалова

А-01371. Подписано к печати 9/III-1955 г. Формат 60×92¹/₄. 1 бум. л. — 2 печ. л.
Уч.-изд. л. 2,2. Заказ № 250. Тираж 75 000. Цена 3 руб.

3-я типография «Красный пролетарий» Главполиграфпрома Министерства культуры СССР
Москва, Краснопролетарская, 16.